



*Rabu, 16 Maret 2022*

**Ogen: 1 Petrus 1:6-7**



**ISEPUH GELAH REH ULINA**



Sekalok perbapan si 'jatuh miskin' erkiteken tumpur ibas usaha sirintisna, she kal kotena geluhna. La saja erta kebayakenna si keru tapi pe ndeharana nadingken ia. Nina nuri-nuri ibas kesaksinna nina 'amin kerina enggo bene tapi pengarapenku langa bene'. Dikune pengarapenna pe enggo bene maka tuhu-tuhu enggo dung kal geluhna. Pengarapen eme kerna wari sisendah ras sipepagi, nina kuan-kuan 'geluh enda desken rosa sierputar, labo lalap iteruh ntah pe idatas'. Emaka perlu erjuang gelah banci erputar roda e sehmaka ndatken kesempatan pulah ibas kerina kiniseran.

Bagenda me surat siisehken Petrus man kalak si erkiniteken si enggo merap ibelang-belang daerah bagin Utara Asia Kitik. Ija ia kerina sangana ngenanami kiniseran singen iayak-ayak erkiteken kiniteken man Jesus. Iajuk dingan ipetetap ukurna kerina gelah tetap megenggeng ngalaken erbage-bage percuban e. Amin lit ibas percuban, ula min bene keriahen ukur, keriahen ukur tentuna jadi sada gegeh man manusia guna ngalaken perbeben. Terdauehn Petrus erbahan anding-andingen sada proses penepuhen emas ibas api. Guna ndatken emas si murni arus kepeken mentasi proses si luar biasa. Bageme kiniteken si paguh arus teruji ibas perdalen geluh si la menukah. Tentuna, ulih siluar biasa la saja man dirina sanga ngasup mentasi tantangan tapi pe ngena ate kalak sideban sabab e jadi sada usihen si mehuli.

La saja nai ibas jaman Petrus enda jadi, ibas kegeluhen kalak sierkiniteken ibas jaman ku jaman she asa genduari proses pengujin enda langa ngadi. Erbage-bage bentukna: pinakit, krisis ekonomi ibas jabu, anak-anak si lanai terkendaliken erkiteken perkembangan jaman si megati erbahan kita la ngasup ngalakenca. Erjuang, la saja ertahan tapi ngasup ngalakenca alu erpengendes man Dibata.

*Ingetlah, lit Dibata sinampati kita mentasi kerinana*